


Baibul pi lutino keliwu

Acakki can i kom dano



Lacoc obedo: Edward Hughes

lakel lanyut obedo: Byron Unger; Lazarus

Lagony lok obedo: Mrs. Grace Orik Twikirize

Layub obedo: M. Maillot; Tammy S.

Ododo 2 ikin 60

www.M1914.org

Bible for Children, PO Box 3, Winnipeg, MB R3C 2G1 Canada


Twero: Itye ki twero me tic ki gin acoya man, ento i peke ki twero me cato gin acoya man.

Acholi




Lubanga oketo gigu ducu! I kare
ma Lubanga ocweyo dano me acel,
Adam, En onongo bedo mere i poto
Eden ki dako ne Eva, ma gin luwiny
dok giworo lok pa
Lubanga nio inino
acel mo ...

"Lubanga
mono owacci
pe wucam yat
ducu ma tye
i poto-ni?"
Twol openyo
Eva.




En otito ki twol ni, Watwero camo nyig yadi ducu ma tye i poto-ni nikwanyo tyen yat acel keken ma pe watwero camo nyige. "Pien ka wa camo nyo wagudu nyige, ci inino meno wabito," "Pe wubito," Twol onyware ki bunyu.

3




"Wubidoko calo Lubanga," cwiny Eva opukke i kom nyig yat meno. En owinyo dog twol ci ocamo nyig yat meno.

4




I nge jemo cik pa Lubanga Eva oweko Adam ocamo nyig yat meno bene. Adam myero onongo o kwer woko ni, "Pe! An pe abijemo cik pa Lubanga."

5




I nge timo bal, Adam gin ki Eva guniang ni gin gi tye munero. Gukwoyo pot olam me ceno pyer, guruko i pyergi ci gukane woko i nyim Lubanga.

6




I wi otyeno ma ceng okwe Lubanga obino i poto. En onongo ngeyo gin ma Adam gin ki Eva gutimo. Adam oweyo lok i wi Eva, Eva oweyo lok i wi twol.

7



Lubanga owacci, "Twol dong giceno woko. Dako bibedo ki arem madit i kare me nywalo litino." "Adam, pien i balo, giceno lobo ki okutu ki ocok. Ibicamo kwon ki kwok ma cwer ki i tur nyimi."

8




Lubanga ocwalo Adam gin ki Eva woko ki i poto man maber twatwalli pien gi gubalo, Ci kingi opoke woko ki i kom Lubanga ma lamii kwo!

9




Lubanga oketo pala lucwan ma lyel mac ma wirre tungi ki tungi me gengo-gi donyo i poto.

10



Lubanga oyubo laa aruka ka omiyo ki Adam ki Eva. Lubanga mono onongo laa meno ki kwene?

11



Kare oromo, ci Adam ki Eva gunywalo litino. Wode me acel, Kain, ma en obedo lapur. Latin awobi me aryo en aye Abel, en obedo lakwat. I nino mo acel Kain okelo cam ma ocek i poto-ne katyero ki Lubanga.

12



Abel okelo litino kayo romi ne mabeco atika katyero ki Lubanga. Lubanga opwoyo ginatyera pa Abel twatwal.


13



Lubanga pe opwoyo ginatyera pa Kain. Kiniga o mako Kain. Ento Lubanga owacce ni, "ka ce itimmo gin ma atir dok ber ci pe gijoli-ce?"

14

Kiniga pa Kain pe kwe. Ci ikare mo ma onongo gitye i poto en ogyo Abel-ci oneke woko!




15

Lubanga oloko ka openyo Kain ni. "Omeru Abel tye kwene?" "Pe angeyo," Kain oloko gopa. "An aye lagwok omera bo?"




16

Kain oa ci ocitto woko ki i nyim Lubanga. En onongo onyomo nyapa Adam ki Eva. Gunywalo litino.




17

Pe otero kare malac, ci likwayo ki likwayo pa Kain gupongo gang kal madit ma en ogeroni woko.



18

Ki tung cel, jo ot pa Adam ki Eva gunya odoko dwong oyot. I kare ca, onong dano rii mwakki mapol ata maloyo i kare ni.




19

Ma ginyalo wode Ceji, Eva owacco-ni, "Lubanga omiya Ceji me leyo ka Abel." Ceji onongo laco ma lworo Rwot, en okwo pi mwaka 912 ci onywalo litino madwong.



20

Dano obedo mere ka doko
lujemo kare me anyim ducu,
ci Lubanga omoko tamme
me jwero dano woko
ki i lobo ...



21

... Wa kwai lee ki winyi ducu.
Lubanga oparro ngo ma oweko
ecweyo dano. Ento dano mo
acel oyomo cwiny Lubanga ...



22

Laco meno gilwongo Nua.
Lakwar Ceji, Nua onongo
kite tir wa labonogo bal
mo. Obedo ka wot
ki Lubanga.



23

En bene opwonyo awobene
adek ducu ka woro Lubanga.
Oweko lubanga oyubo yub
me tic ki Nua i yo
mapat dok ma
lamal adada!



24

Acakki can i kom dano
Ododo ma i lok pa Lubanga,
nonge i Baibul
Acakki 3-6

"Tito lokki miyo ceng."
Jabuli 119:130

Lubanga ngeyo ni watimo tim maracu, ma En
lwongo-ni bal. Pwod me bal en aye to.

Lubanga marowa mada pi man en ocwalo wode,
Yecu, me to i kom yatariya ka tyeko cul me pwod
pi balwa.

Ka iye weko balli duc, wac lok man ki Lubanga;
Ai Lubanga, aye ni Yecu oto pira i kom yatariya
dok kombedi tye makwo. Ber i bin idony i kwona i
wek balla duc, wek a nong kwo manyen kombedi,
ka wek a bed kwedi labednaka. Konya wek a kwo
macalo latini. Amen. Jon 3:16

Kwan Baibul dok bene i lok ki Lubanga ceng jwi!